

大般若波羅蜜多經

第一百三

盈三

十一

46970




元祿九年丙子二月日重脩

皇國聖業 國 帝 漸 弱 昌

佛日增輝 轉 輪 常 轉

山城州天安寺法金剛院置



大般若法羅蜜多經卷第一百三

盈

三藏法師 玄奘奉

詔譯

初分攝受品第二十九之五

熊慶升

憍尸迦是善男子善女人等學此般若波羅蜜多大呪王時不得布施波羅蜜多不得淨戒安忍精進靜慮般若波羅蜜多於布施波

羅蜜多等無所得故不為自害不為害他不為俱害憍尸迦是善男子善女人等學此般若波羅蜜多大呪王時不得四無量四無色定於四靜慮等無所得故不為自害不為害他不為俱害憍尸迦是善男子善女人等學此般若波羅蜜多大呪王時不



得八解脫不得八勝處九次第定十遍處於
八解脫等無所得故不爲自害不爲害他不
爲俱害憍尸迦是善男子善女人等學此般
若波羅蜜多大呪王時不得四念住不得四
正斷四神足五根五力七等覺支八聖道支
於四念住等無所得故不爲自害不爲害他
不爲俱害憍尸迦是善男子善女人等學此
般若波羅蜜多大呪王時不得空解脫門不
得無相無願解脫門於空解脫門等無所得
故不爲自害不爲害他不爲俱害憍尸迦是
善男子善女人等學此般若波羅蜜多大呪
王時不得五眼不得六神通於五眼等無所

得故不爲自害不爲害他不爲俱害憍尸迦
是善男子善女人等學此般若波羅蜜多大
呪王時不得佛十力不得四無所畏四無礙
解大慈大悲大喜大捨十八佛不共法於佛
十力等無所得故不爲自害不爲害他不爲
俱害憍尸迦是善男子善女人等學此般若
波羅蜜多大呪王時不得無忘失法不得恒
住捨性於無忘失法等無所得故不爲自害
不爲害他不爲俱害憍尸迦是善男子善女
人等學此般若波羅蜜多大呪王時不得一
切智不得道相智一切相智於一切智等無
所得故不爲自害不爲害他不爲俱害憍尸

迦是善男子善女人等學此般若波羅蜜多
大呪王時不得一切陀羅尼門不得一切三
摩地門於一切陀羅尼門等無所得故不為
自害不為害他不為俱害憍尸迦是善男子
善女人等學此般若波羅蜜多大呪王時不
得預流不得一來不還阿羅漢於預流等無
所得故不為自害不為害他不為俱害憍尸
迦是善男子善女人等學此般若波羅蜜多
大呪王時不得預流向預流果不得一來向
一來果不還向不還果阿羅漢向阿羅漢果
於預流向預流果等無所得故不為自害不
為害他不為俱害憍尸迦是善男子善女人

等學此般若波羅蜜多大呪王時不得獨覺
不得獨覺向獨覺果於獨覺等無所得故不
爲自害不爲害他不爲俱害憍尸迦是善男
子善女人等學此般若波羅蜜多大呪王時
不得菩薩摩訶薩不得三藐三佛陀於菩薩
摩訶薩等無所得故不爲自害不爲害他不
爲俱害憍尸迦是善男子善女人等學此般
若波羅蜜多大呪王時不得菩薩摩訶薩法
不得無上正等菩提於菩薩摩訶薩法等無
所得故不爲自害不爲害他不爲俱害憍尸
迦是善男子善女人等學此般若波羅蜜多
大呪王時不得聲聞乘不得獨覺乘無上乘

於聲乘聞等無所得故不為自害不為害他
不為俱害憍尸迦是善男子善女人等學此
般若波羅蜜多大神呪王時於我及法雖無所
得而證無上正等菩提觀諸有情心行差別
隨宜為轉無上法輪令如說行皆獲饒益何
以故過去菩薩摩訶薩衆於此般若波羅蜜
多大神呪王精勤修學已證無上正等菩提
轉妙法輪度無量衆未來菩薩摩訶薩衆於
此般若波羅蜜多大神呪王精勤修學當證
無上正等菩提轉妙法輪度無量衆現在十
方無邊世界有諸菩薩摩訶薩衆於此般若
波羅蜜多大神呪王精勤修學現證無上正

大般若

盈

百丹三

三

庚

等菩提轉妙法輪度無量衆復次憍尸迦若
善男子善女人等於此般若波羅蜜多至心
聽聞受持讀誦精勤修學如理思惟書寫解
說廣令流布是善男子善女人等隨所居止
國土城邑人及非人不爲一切災橫疾疫之
所傷害所以者何是善男子善女人等隨所
住處爲此三千大千世界及餘十方無量無
數無邊世界所有四大王衆天三十三天夜
摩天覩史多天樂變化天他化自在天梵衆
天梵輔天梵會天大梵天光天少光天無量
光天極光淨天淨天少淨天無量淨天遍淨
天廣天少廣天無量廣天廣果天無煩天無

熱天善現天善見天色究竟天并諸龍神阿
素洛等常來守護恭敬供養尊重讚歎不令
般若波羅蜜多大神呪王有留難故復次憍
尸迦若善男子善女人等書此般若波羅蜜
多大神呪王置清淨處恭敬供養尊重讚歎
雖不聽聞受持讀誦精勤修學如理思惟亦
不爲他開示分別而此住處國邑王都人非
人等不爲一切災橫疾疫之所傷害所以者
何如是般若波羅蜜多大神呪王隨所住處
爲此三千大千世界及餘十方無量無數無
邊世界所有四大王衆天乃至色究竟天并
諸龍神阿素洛等常來守護恭敬供養尊重

讚歎不令般若波羅蜜多大神呪王有留難
故憍尸迦是善男子善女人等但書般若波
羅蜜多大神呪王置清淨處恭敬供養尊重
讚歎尚獲如是現法利益況能聽聞受持讀
誦精勤修學如理思惟及廣爲他開示分別
當知是輩功德無邊速證菩提利樂一切憍
大般若尸迦若善男子善女人等怖畏怨家惡獸災
盈橫厭禱疾疫毒藥呪等應書般若波羅蜜多
一百三大神呪王隨多少分香囊盛貯置寶篋中恒
四隨逐身恭敬供養諸怖畏事皆自消除天龍
鬼神常守衛故憍尸迦譬如有人或傍生類
入菩提樹院或至彼院邊人非人等不能傷

害所以者何過去未來現在諸佛皆坐此處
證得無上正等菩提得菩提已施諸有情無
恐無怖身心安樂安立無量無數有情令住
人天尊貴妙行安立無量無數有情令住三
乘安樂妙行安立無量無數有情令現證得
或預流果或一來果或不還果或阿羅漢果
安立無量無數有情令當證得獨覺菩提或
證無上正等菩提如是勝事皆由般若波羅
蜜多威神之力是故此處一切天龍阿素洛
等皆同守護供養恭敬尊重讚歎當知般若
波羅蜜多隨所住處亦復如是一切天龍阿
素洛等常來守護供養恭敬尊重讚歎不令

般若波羅蜜多有留難故當知是處即真制
多一切有情皆應敬禮當以種種上妙華鬘
塗散等香衣服瓔珞寶幢幡蓋眾妙珍奇伎
樂燈明而為供養

初分校量功德品第三十

尔時天帝釋白佛言世尊若善男子善女人

大般若 百三

盈

五

庚

等書此般若波羅蜜多甚深經典種種莊嚴
供養恭敬尊重讚歎復以種種上妙華鬘塗
散等香衣服瓔珞寶幢幡蓋眾妙珍奇伎樂
燈明而為供養或善男子善女人等佛涅槃
後起窣堵波七寶嚴飾寶函盛貯佛設利羅
安置其中供養恭敬尊重讚歎復以種種上

妙華鬘塗散等香衣服瓔珞寶幢幡蓋衆妙
珍竒伎樂燈明而爲供養是二福聚何者爲
多佛言憍尸迦我還問汝當隨意答於意云
何如來所得一切智智及相好身於何等法
修學而得天帝釋言世尊如來所得一切智
智及相好身於此般若波羅蜜多修學而得
佛告憍尸迦如是如是如汝所說我於般若
波羅蜜多修學故得一切智智及相好身何
以故憍尸迦不學般若波羅蜜多證得無上
正等菩提無是處故憍尸迦不以獲得相好
身故說名如來應正等覺但以證得一切智
智說名如來應正等覺憍尸迦如來所得一

切智智甚深般若波羅蜜多爲因故起佛相
好身但爲依處若不依止佛相好身一切智
智無由而轉是故般若波羅蜜多正爲因生
一切智智爲令此智現前相續故復修集佛
相好身此相好身若非徧智所依處者一切
天龍阿素洛等不應竭誠供養恭敬尊重讚
歎以相好身與佛徧智爲所依止故諸天龍
阿素洛等恭敬供養由此緣故我涅槃後諸
天龍神人非人等恭敬供養我設利羅憍尸
迦若善男子善女人等但於般若波羅蜜多
供養恭敬尊重讚歎是善男子善女人等則
爲供養一切智智及所依止佛相好身并涅

槃後佛設利羅何以故憍尸迦一切智智及
相好身并設利羅皆以般若波羅蜜多為根
本故憍尸迦若善男子善女人等但於佛身
及設利羅供養恭敬尊重讚歎是善男子善
女人等非為供養一切智智及此般若波羅
蜜多何以故憍尸迦佛身遺體非此般若波

大般若

百三盈

六

庚

羅蜜多一切智智之根本故憍尸迦由此緣
故諸善男子善女人等欲供養佛若心若身
先當聽聞受持讀誦精勤修學如理思惟書
寫解說甚深般若波羅蜜多復以種種上妙
華鬘塗散等香衣服瓔珞寶幢幡蓋眾妙珍
奇伎樂燈明而為供養以是故憍尸迦若善

男子善女人等書此般若波羅蜜多甚深經
典種種莊嚴供養恭敬尊重讚歎復以種種
上妙華鬘塗散等香衣服瓔珞寶幢幡蓋衆
妙珍奇伎樂燈明而爲供養或善男子善女
人等佛涅槃後起窣堵波七寶嚴飾寶函盛
貯佛舍利羅安置其中供養恭敬尊重讚歎
復以種種上妙華鬘塗散等香衣服瓔珞寶
幢幡蓋衆妙珍奇伎樂燈明而爲供養是二
福聚前者爲多何以故憍尸迦布施淨戒安
忍精進靜慮般若波羅蜜多皆從如是甚深
般若波羅蜜多而出生故憍尸迦內空外空
內外空空空空大空勝義空有爲空無爲空畢

竟空無際空一散空無變異空本性空自相空
共相空一切法空不可得空無性空自性空
無性自性空皆從如是甚深般若波羅蜜多
而出現故憍尸迦真如法界法性不虛妄性
不變異性平等性離生性法定法住實際虛
空界不思議界皆從如是甚深般若波羅蜜
多大般若若一百三而出現故憍尸迦苦聖諦集聖諦滅聖諦盈
道聖諦皆從如是甚深般若波羅蜜多而出
現故憍尸迦四靜慮四無量四無色定皆從
如是甚深般若波羅蜜多而出生故憍尸迦
八解脫八勝處九次第定十徧處皆從如是
甚深般若波羅蜜多而出生故憍尸迦四念

大般若若一百三

盈

七

庚

住四正斷四神足五根五力七等覺支八聖
道支皆從如是甚深般若波羅蜜多而出生
故憍尸迦空解脫門無相解脫門無願解脫
門皆從如是甚深般若波羅蜜多而出生故
憍尸迦五眼六神通皆從如是甚深般若波
羅蜜多而出生故憍尸迦佛十力四無所畏
四無礙解大慈大悲大喜大捨十八佛不共
法皆從如是甚深般若波羅蜜多而出生故
憍尸迦無忘失法恒住捨性皆從如是甚深
般若波羅蜜多而出生故憍尸迦一切智道
相智一切相智皆從如是甚深般若波羅蜜
多而出生故憍尸迦一切陀羅尼門一切三

摩地門皆從如是甚深般若波羅蜜多而出
生故憍尸迦菩薩摩訶薩所有成熟有情嚴
淨佛土皆從如是甚深般若波羅蜜多而出
生故憍尸迦菩薩摩訶薩所有族姓圓滿色
力圓滿財寶圓滿眷屬圓滿皆從如是甚深
般若波羅蜜多而出生故憍尸迦世間所有

十善業道供養沙門父母師長施戒修等無
量善法皆從如是甚深般若波羅蜜多而出
生故憍尸迦世間所有刹帝利大族婆羅門
大族長者大族居士大族皆從如是甚深般
若波羅蜜多而出生故憍尸迦世間所有四
大王衆天三十三天夜摩天覩史多天樂變

化天他化自在天皆從如是甚深般若波羅
蜜多而出生故憍尸迦世間所有梵衆天梵
輔天梵會天大梵天光天少光天無量光天
極光淨天淨天少淨天無量淨天徧淨天廣
天少廣天無量廣天廣果天無煩天無熱天
善現天善見天色究竟天皆從如是甚深般
若波羅蜜多而出生故憍尸迦世間所有空
無邊處天識無邊處天無所有處天非想非
非想處天皆從如是甚深般若波羅蜜多而
出生故憍尸迦一切預流預流果一來一來
果不還不還果阿羅漢阿羅漢果皆從如是
甚深般若波羅蜜多而出生故憍尸迦一切

大般若

百三

盈

八

庚

獨覺獨覺菩提皆從如是甚深般若波羅蜜
多而出生故憍尸迦一切菩薩摩訶薩
摩訶薩法皆從如是甚深般若波羅蜜多而
出生故憍尸迦一切如來應正等覺皆從如
是甚深般若波羅蜜多而出生故憍尸迦不
可思量不可宣說無上無上無等無等等
一切智智皆從如是甚深般若波羅蜜多而
出生故爾時天帝釋白佛言世尊瞻部洲人
於甚深般若波羅蜜多不供養恭敬尊重讚
歎者彼豈不知供養恭敬尊重讚歎甚深般
若波羅蜜多獲得如是大利佛言憍尸
迦我今問汝隨汝意答於意云何瞻部洲內

有幾所人成就佛證淨成就法證淨成就僧
證淨有幾所人於佛無疑於法無疑於僧無
疑有幾所人於佛究竟於法究竟於僧究竟
天帝釋言卅尊瞻部洲內有少分人成就佛
證淨成就法證淨成就僧證淨有少分人於
佛無疑於法無疑於僧無疑有少分人於佛
究竟於法究竟於僧究竟佛言憍尸迦我復
問汝隨汝意答憍尸迦於意云何瞻部洲內
有幾所人得三十七菩提分法有幾所人得
三解脫門有幾所人得八解脫有幾所人得
九次第定有幾所人得四無礙解有幾所人
得六神通有幾所人永斷三結得預流果有

大般

盈

百三

九

庚

幾所人薄貪瞋癡得一來果有幾所人斷五
順下分結得不還果有幾所人斷五順上分
結得阿羅漢果有幾所人發心定趣阿耨菩
提有幾所人發心定趣阿耨多羅三藐三菩
提天帝釋言卅尊瞻部洲內有少分人得三
十七菩提分法有少分人得三解脫門有少
分人得八解脫有少分人得九次第定有少
分人得四無礙解有少分人得六神通有少
分人永斷三結得預流果有少分人薄貪瞋
癡得一來果有少分人斷五順下分結得不
還果有少分人斷五順上分結得阿羅漢果
有少分人發心定趣獨覺菩提有少分人發

心定趣阿耨多羅三藐三菩提。爾時佛告天
帝釋言：如是如是。如汝所說，憍尸迦、瞻部洲
內極少分人成就佛證淨成就法證淨成就
僧證淨轉少分人於佛無疑於法無疑於僧
無疑轉少分人於佛究竟於法究竟於僧究
竟轉少分人得三十七菩提分法轉少分人
得三解脫門轉少分人得八解脫轉少分人
得九次第定轉少分人得四無礙解轉少分
人得六神通憍尸迦、瞻部洲內極少分人永
斷三結得預流果轉少分人薄貪瞋癡得一
來果轉少分人斷五順下分結得不還果轉
少分人斷五順上分結得阿羅漢果轉少分

人發心定趣獨覺菩提轉少分人發心定趣
阿耨多羅三藐三菩提轉少分人既發心已
精勤修習趣菩提行何以故憍尸迦諸有情
類流轉生死無量世來多不見佛不聞正法
不親近僧不行布施不護淨戒不修安忍不
起精進不習靜慮不學般若不聞布施波羅
蜜多不修布施波羅蜜多不聞淨戒波羅蜜
多不修淨戒波羅蜜多不聞安忍波羅蜜多
不修安忍波羅蜜多不聞精進波羅蜜多不
修精進波羅蜜多不聞靜慮波羅蜜多不修
靜慮波羅蜜多不聞般若波羅蜜多不修般
若波羅蜜多不聞內空不修內空不聞外空

大

百三

盈

十

東

內外空空空空大空勝義空有為空無為空畢
竟空空無際空散空無變異空本性空自相空
共相空一切法空不可得空無性空自性空
無性自性空不修外空乃至無性自性空不
聞真如不修真如不聞法界法性不虛妄性
不變異性平等性離生性法定法住實際虛
空界不思議界不修法界乃至不思議界不
聞苦聖諦不修苦聖諦不聞集滅道聖諦不
修集滅道聖諦不聞四靜慮不修四靜慮不
聞四無量四無色定不修四無量四無色定
不聞八解脫不修八解脫不聞八勝處九次
第定十徧處不修八勝處九次第定十徧處

不聞四念住不修四念住不聞四正斷四神
足五根五力七等覺支八聖道支不修四正
斷乃至八聖道支不聞空解脫門不修空解
脫門不聞無相無願解脫門不修無相無願
解脫門不聞五眼不修五眼不聞六神通不
修六神通不聞佛十力不修佛十力不聞四
無所畏四無礙解大慈十一大悲大喜大捨十八
佛不共法不修四無所畏乃至十八佛不共
法不聞無忘失法不修無忘失法不聞恒住
捨性不修恒住捨性不聞一切陀羅尼門不
修一切陀羅尼門不聞一切三摩地門不修
一切三摩地門不聞一切智不修一切智不

大般

盈

百丹三

十一

庚

聞道相智一切相智不修道相智一切相智
憍尸迦以是緣故當知於此瞻部洲內極少
分人成就佛證淨成就法證淨成就僧證淨
轉少分人於佛無疑於法無疑於僧無疑轉
少分人於佛究竟於法究竟於僧究竟轉少
分人得三十七菩提分法轉少分人得三解
脫門轉少分人得八解脫轉少分人得九次
第定轉少分人得四無礙解轉少分人得六
神通憍尸迦當知於此瞻部洲中極少分人
永斷三結得預流果轉少分人薄貪瞋癡得
一來果轉少分人斷五順下分結得不還果
轉少分人斷五順上分結得阿羅漢果轉少

分人發心定趣獨覺菩提轉少分人發心定
趣阿耨多羅三藐三菩提轉少分人既發心
已精勤修習趣菩提行爾時佛語天帝釋言
我今問汝隨汝意答憍尸迦於意云何置瞻
部洲所有人類於此三千大千世界幾所衆
生供養恭敬父母師長幾所衆生供養恭敬
沙門婆羅門幾所衆生行施受齋持戒幾所
衆生修十善業道幾所衆生於諸欲中住厭
患想無常想苦想無我想不淨想馱食想一
切世間不可樂想幾所衆生修四靜慮幾所
衆生修四無量幾所衆生修四無色定幾所
衆生信佛信法信僧幾所衆生於佛無疑於

法無疑於僧無疑幾所衆生於佛究竟於法
究竟於僧究竟幾所衆生修三十七菩提分
法幾所衆生修三解脫門幾所衆生修八解
脫幾所衆生修九次第定幾所衆生修四無
礙解幾所衆生修六神通幾所衆生永斷三
結得預流果幾所衆生薄貪瞋癡得一來果
幾所衆生斷五順下分結得不還果幾所衆
生斷五順上分結得阿羅漢果幾所衆生發
心定趣獨覺菩提幾所衆生發心定趣阿耨
多羅三藐三菩提幾所衆生既發心已精勤
修習趣菩提行幾所衆生練磨長養趣菩提
心幾所衆生方便善巧修行般若波羅蜜多

幾所衆生得住菩薩不退轉地幾所衆生速
證無上正等菩提天帝釋言世尊於此三千
大千世界有少衆生供養恭敬父母師長有
少衆生供養恭敬沙門婆羅門有少衆生行
施受齋持戒有少衆生修十善業道有少衆
生於諸欲中住厭患想無常想苦想無我想
不淨想厭食想一切世間不可樂想有少衆
生修四靜慮有少衆生修四無量有少衆生
修四無色定有少衆生信佛信法信僧有少
衆生於佛無疑於法無疑於僧無疑有少衆
生於佛究竟於法究竟於僧究竟有少衆生
修三十七菩提分法有少衆生修三解脫門

有少衆生修八解脫有少衆生修九次第定
有少衆生修四無礙解有少衆生修六神通
有少衆生永斷三結得預流果有少衆生薄
貪瞋癡得一來果有少衆生斷五順下分結
得不還果有少衆生斷五順上分結得阿羅
漢果有少衆生發心定趣獨覺菩提有少衆

盈 般若百三

十二

庚

生發心定趣阿耨多羅三藐三菩提有少衆
生既發心已精勤修習趣菩提行有少衆生
練磨長養趣菩提心有少衆生方便善巧修
行般若波羅蜜多有少衆生得住菩薩不退
轉地有少衆生速證無上正等菩提爾時佛
告天帝釋言如是如是如汝所說憍尸迦於

此三千大千世界極少衆生供養恭敬父母
師長轉少衆生供養恭敬沙門婆羅門轉少
衆生行施受齋持戒轉少衆生修十善業道
轉少衆生於諸欲中住馱患想無常想苦想
無我想不淨想馱食想一切世間不可樂想
轉少衆生修四靜慮轉少衆生修四無量轉
少衆生修四無色定轉少衆生信佛信法信
僧轉少衆生於佛無疑於法無疑於僧無疑
轉少衆生於佛究竟於法究竟於僧究竟轉
少衆生修三十七菩提分法轉少衆生修三
解脫門轉少衆生修八解脫轉少衆生修九
次第定轉少衆生修四無礙解轉少衆生修

六神通憍尸迦於此三千大千世界極少衆
生永斷三結得預流果轉少衆生薄貪瞋癡
得一來果轉少衆生斷五順下分結得不還
果轉少衆生斷五順上分結得阿羅漢果轉
少衆生發心定趣獨覺菩提轉少衆生發心
定趣阿耨多羅三藐三菩提轉少衆生既發
心已精勤修習趣菩提行轉少衆生練磨長
養趣菩提心轉少衆生方便善巧修行般若
波羅蜜多轉少衆生得住菩薩不退轉地轉
少衆生速證無上正等菩提復次憍尸迦我
以清淨無障佛眼觀察十方各如殑伽沙等
世界雖有無量無數無邊有情發心定趣阿

耨多羅三藐三菩提精勤修習趣菩提行而
由遠離甚深般若波羅蜜多方便善巧若一
若二若三有情得住菩薩不退轉地多分退
墮聲聞獨覺下劣地中何以故憍尸迦阿耨
多羅三藐三菩提甚難可得惡慧懈怠下劣
精進下劣勝解下劣有情不能證故憍尸迦
由是因緣若善男子善女人等發心定趣阿
耨多羅三藐三菩提精勤修習趣菩提行欲
住菩薩不退轉地速證無上正等菩提無留
難者應於如是甚深般若波羅蜜多數數聽
聞受持讀誦精勤修習如理思惟好請問師
樂爲他說作此事已復應書寫種種寶物而

用莊嚴供養恭敬尊重讚歎復以種種止妙
華鬘塗散等香衣服瓔珞寶幢幡蓋衆妙珍
奇伎樂燈明而爲供養憍尸迦是善男子善
女人等於餘攝入甚深般若波羅蜜多諸勝
善法亦應聽聞受持讀誦精勤修習如理思
惟好請問師樂爲他說何謂攝入甚深般若
波羅蜜多餘勝善法所謂布施波羅蜜多淨
戒安忍精進靜慮波羅蜜多若內空若外空
內外空空空空大空勝義空有爲空無爲空畢
竟空空無際空散空無變異空本性空自相空
共相空一切法空不可得空無性空自性空
無性自性空若真如若法界法性不虛妄性

不變異性平等性離生性法定法住實際虛
空界不思議界若苦聖諦若集滅道聖諦若
四靜慮若四無量四無色定若八解脫若八
勝處九次第定十徧處若四念住若四正斷
四神足五根五力七等覺支八聖道支若空
解脫門若無相無願解脫門若五眼若六神
通若佛十力若四無所畏四無礙解大慈大
悲大喜大捨十八不共法若無忘失法若
恒住捨性若一切陀羅尼門若一切三摩地
門若一切智若道相智一切相智若餘無量
無邊佛法是謂攝入甚深般若波羅蜜多餘
勝善法憍尸迦是善男子善女人等於餘隨

順甚深般若波羅蜜多蘊劫界等無量法門
亦應聽聞受持讀誦如理思惟不應非毀令
於無上正等菩提而作留難

十五

大般若波羅蜜多經卷第一百二

盈

疾疫

下王益反 益具成 上音

寶篋

下音童制多

觀處

亦云華鬘

下莫班反窳堵波

上蘇沒反 中音觀 亦云塔婆 今大

略只云塔也 梵語 多名此云塔也 高廣也

殑伽

保聖院童行 師遠書

建寧府熊慶刊

大檀越保義郎趙

安國 一力離 一部六百卷

